

KOERSVAS


Jaargang 2 Uitgawe 37 11 April 2014

In hierdie uitgawe:

Redaksioneel

Nuusbrokkies

Kennisgewings



REDAKSIONEEL

Wie versorg ons predikante?

Ons plaas die volgende brief as redaksionele kommentaar.

Die Hervormde Huigemeente van Oshakati het so pas besoek van Ds. Eckard gehad. Watter voorreg was dit nie vir ons lidmate nie! Hy het God's Woord kom verkondig, positief en met volle geloof en oorgawe, tot Sy eer.

In nabetragting van sy besoek en terwyl hy op sy twee-dae lange terugtog na sy tuisgemeente is, wonder 'n mens oor wat die effek van die skeuring op ons predikante was. Ek lees weer die klagskrifte wat teen van hulle ingedien is, die omsendskrywes, die publikasies van die NHKA oor die skeuring, open aanmerkings wat gemaak is en steeds gemaak word en oordink al die beweringe wat somer so losweg in gemeentes van die NHKA oor hulle gemaak is en steeds word. Die enigste oogmerk is teen hierdie tyd baie duidelik – die geloofwaardigheid en intergriteit van ons predikante moet ten alle koste vernietig word. Dit is betreurenswaardig dat dit so gebeur het en dat dit nog steeds voortgaan. Daarmee saam kry 'n mens die indruk dat die NHKA doelbewus nie hierdie optrede binne die NHKA sigbaar aanspreek nie. Oënskynlik word die uiteinde van die hofsake dan ook gesien as dat dit dan uitsluit sal gee oor al die kwessies wat ter sprake is. Alhoewel dit ver van die waarheid is word dit vir eers daar gelaat.

Die vraag wat ons moet vra is na die effek van hierdie soort optrede teenoor 'n predikant. Wat was en is die effek op ons predikante. Daarvoor moet ons daadwerklik besin. Hierdie voortdurende aanslag op hul geloofwaardigheid en integriteit moet 'n enorme impak op hulle hê. Min mense deurleef en oorleef so 'n konstante aanslag. Lewers moet iets meegee. Daarmee saam moet ons in ag neem dat ons predikante se werksladings dramaties toegeneem het.

Ons as lidmate moet geen twyfel hieromtrent hê nie. Die teleurstelling, pyn en selfs bitterheid ten opsigte van die gebeure moet vlak by hulle lê wat ons versorg. Die feit dat hulle ons met oorgawe, meeleving en oortuiging versorg kan vertroosting bring maar kan dit nooit weg vat nie.

Daarom doen ek 'n beroep, nee pleit ek, by al ons lidmate en in die besonder by ons ouderlinge dat ons al ons predikante sal versorg. Kom ons besoek, onderskraag en versorg hulle en kom ons wees van hulp en bystand waar ons kan. Ons moet hulle nie as vanselfsprekend aanvaar nie. Dit kan nooit aanvaar word dat hulle die stryd alleen moet voer nie. Ons kan nie terugsit nie maar moet ons moue oprol en doen wat ons moet. Kom ons versorg ons predikante.

Ten slotte, maar bo alles, moet ons hulle in ons gebede opdra aan ons Skepper sonder wie ons tot niks in staat is nie – mag Hy hulle versorg en berusting vir hulle bring.

J.H. GREYLING

NUUSBROKKIES

Beroepenuus: Dominee Louis Alberts is 6 April 2014 om 12:00 in die gemeente Koster georden. Baie geluk aan almal wat meegewerk het om die geleentheid 'n eerbiedwaardige gebeurtenis te maak.

Bondsvergadering:

- Gemeentes moet kennis neem dat die keerdatum vir die instuur van beskrywingspunte vir die Theresapark Bondsvergadering **volgende Vrydag 18 April 2014** is. U word versoek om by die datum te bly en sodoende die skriba te help om 'n behoorlike agenda saam te stel.
- Die geloofsbriewe vir die GHG se tweede Bondsvergadering is reeds elektronies aan alle gemeentes versend. Kerkrade moet seker maak dat hulle dit wel ontvang het en by die eersvolgende vergadering van ampte afgevaardigdes nomineer.
- Die Susters gaan ook op die tweede dag van die Bondsvergadering byeenkom. Alle belangstellendes is welkom.

Inbetalings: Dankie vir die positiewe reaksie, mar daar is nog steeds inbetalings wat nie verdiskonteer kan word nie. Ons versoek weer: Lidmate en gemeentes wat inbetalings maak in die Bond se bankrekening, moet alle besonderhede van die transaksie, insluitende datum en waarvoor die geld geormerk is, aanstuur na ons kassier, ouderling Tom Greeff. U word versoek om alle vorige transaksies se besonderhede ook aan te stuur na tomcases@lantic.net.

BANKBESONDERHEDE:

Naam: G H G (Geloofsbond van Hervormde gemeentes)
 ENB Eerste Nasionale Bank van Suid-Afrika
 Rekeningnommer: **6243 092 3088**
 Takkode: **250 655**

Regsake

Ooreenkomstig die onderneming wat aan almal gegee is om eerlik en openlik te wees ten opsigte van die regsproses, regskostes en die regsfonds wat in die lewe geroep is, die volgende inligting:

- Die regspanne het 25 Maart 2014 voor sy edele regter Fourie verskyn. Die regter se wens is dat alle hofsake, asook transporterings van eiendomme gevries word. Daarmee saam moet die twee regspanne ooreenkom oor die kern van die stryd. Hierdie kern sal dan behoorlik verhoor word, met blootlegging, ondervraging en kruis-ondervraging.
- Die regspanne sal oor 'n maand byeenkom en daarvoor in gesprek tree. Daar sal derhalwe vir die volgende maand geen "nuwe verwikkelinge" wees nie.
- Gemeentes waar die eiendomme in gedrang is, word vriendelik versoek om die Christelike weg te volg en aan te hou probeer om 'n tussentydse samewerkingsooreenkoms oor die gebruik van die eiendomme en die gebruik van opgehoopte fondse te onderhandel.

KENNISGEWINGS

Koersvas en Die Skietlood:

- Weens probleme met die internet en die adminbeampte se rekenaar het ons geen rekord van diegene wat 'n gedrukte kopie van (Jaargang 1) Koersvas en Die Skietlood bestel het nie. Dit kos R 40 per eksemplaar. U moet asseblief van voor af bestel by j.otto@telkomsa.net.
- **Bybelvasvrae:**
 Bybelkennis is onvervangbaar. Die Woord van God moedig ons deurlopend aan om die Woord te bestudeer en dit te oordink. Psalm 1: 1 & 2 sê: *"Dit gaan goed met die mens*

...wat in die Woord van die Here sy vreugde vind, dit dag en nag oordink.”
Ontvang hiermee die nodige inligting met betrekking tot die Bybelvasvrae vir 2014. Bestek:

Die briewe van Johannes. (1; 2 & 3 Johannes)

Heidelbergse Kategismus– Sondag 1 tot 8.

Pretoria se gemeentes hou hulle vasvrae 10 Augustus 2014.

Stuur u gemeente se **kennisgewings en nuusbrokkies** na j.otto@telkomsa.net vir opname in die volgende Koersvas.

Vir verpakkingsmateriaal, spysenieringsbenodigdhede en skoonmaakmiddels vir funksies van kerke en skole, skakel **MW PACKAGING by**
018 381 1494.

Drukwerk:

Paul en Ella help graag met:

Gemeentekalenders	R 7.55
Verlofregister	R22.50
Kwitansieboeke	R15.35
Offergaweboeke	R6.20
Dames se kwitansieboek	R13.15
Konsistorieboek	R20.30

ella@teamworkprinters.com

Vir aandag: **Kerkrade en Gemeentes**,
Hiermee word u versoek om die datum van die **Bondsvergadering van die Geloofsbond van Hervormde Gemeentes** vir 2014 op u gemeentelike kalender te teken. Die besonderhede is as volg:

PLEK: Gemeente Theresapark

DATUM: 8 tot 10 Junie 2014.

Verdere inligting sal met verloop van tyd gefinaliseer en gekommunikeer word.

Vir aandag:

Alle GHG dames en Damesverenigings

U word uitgenooi na ons dames konferensie. Die doel van die byeenkoms is om onderlinge kommunikasie te bewerkstellig en mekaar te ondersteun.

PLEK: Gemeente Theresapark

DATUM: Maandag 9 Junie 2014.

Tyd: 09:00 – 13:00

Verdere inligting sal met verloop van tyd gekommunikeer word.

Vir aandag:

Alle GHG komitees en voorsitters van komitees

Alle Kerkrade van Onafhanklike Gemeentes

Soos u reeds weet, vind die Bondsvergadering van die Geloofsbond plaas op 8; 9 en 10 Junie 2014 te Gemeente Theresapark. Met dit in gedagte is die volgende sake van uiterste belang:

1. Alle voltooidde werksopdragte en verslae van komitees moet asseblief die skriba teen 18 April 2014 bereik.
2. Op 16 Mei 2014 om 10:00 te Gemeente Meyerspark vergader alle voorsitters van die onderskeie komitees met die oog op die finalisering van die Agenda vir die Bondsvergadering.
3. Alle Kerkrade wat beskrywingspunte vir die Bondsvergadering wil indien, moet dit doen voor of op 18 April 2014.

Die sukses van enige vergadering hang af van deeglike voorbereiding. U word daarom vriendelik versoek om stiptelik by bogenoemde reëlings te hou.

VIA DOLOROSA

PAASOPVOERING en BUIEPIEKNIEK
Premiermyn Hervormde Kerk - Cullinan
Vrydagaand 11 APRIL 2014 Tyd 19:00

Paasboks R35-00 per persoon

Lasagne
Pita met hoender gevul
Spekrolletjies
Slaai
Nagereg-verrassing

R20-00 ingang per persoon
R10-00 laerskoolkinders
Bring kussing om op te sit

Bespreek by:
Alta per sms 082 682 1252
Babie 082 608 3523

Bestel asb vooraf om teleurstelling te voorkom





GROOTVLEI PLOTOPSKOP



Vrydag aand:
11 April 18:00

Mandjie dans

R20 P/P R50 P/Cooler

Saterdag:

12 April 09:00

Boeremark

**SAT
GRATIS
INGANG!**

Stalletjies, Musiek, Biertuin,
Veiling, Fietstrap,
Watersports, Boeresports....

Potjie kompetisie

Geborg deur: Les Marais Spar



Fantastiese pryse!

Moenie die kans misloop nie!

KONTAK: 082 838 6303/082 821 5424
grootvlei1@gmail.com

GPS: S25° 30'01.3" E28° 15'14.1"

Hoewe 242 Eland str Waterval Pyramid